

## Hlogo ya SARS ya Theknolotšie thopa neo ya Ngwaga ya goba Moofisirimogolo wa Tshedimošo (CIO)

**Tshwane, 5 Disemere 2022** – Ditirelo tša Motšhelo tša Afrika Borwa (SARS) di rata go laetša maikutlo a ditebogišo go tšwa botebong bja pelo go Hlogo ya Theknolotši le Phethagatšo ya Ditharollo (TSD), Mrn Intikhab Shaik, bakeng sa go amogela Neo ya Mopresidente ya *Institute of Information Technology Professionals South Africa (IITPSA)* bjale ka Moofisirimogolo wa Tshedimošo wa Ponelepele wa Ngwaga.

Seo se dirago temogo e kgolo ya phihlelelo ye ke gore mošomo wa Mrn. Shaik o bapeditšwe kगतलhanong le di intastedi tša go swana bobedi go disektara tša praebete le tša setšhaba. Tšwelelo ya gore mošomo wa gagwe o be o sa bapetšege gape o tloga o tšweletše go fetiša batho ka moka ke testamente ya khwalithi ya ketapele ya theknolotši. Ebe e le ka nako ya COVID-19 ge bohlale bja Mrn. Shaik le sehlopha sa gagwe ba ilego ba ntšha ka ga tšhwene.

Khomišinare wa SARS Mr Edward Kieswetter, o amogela temogo ya setšhaba ya Mrn. Shaik, gomme o hlathollotše gore: *“Magatong a mmalwa a dikiletšo tša mesepele, Mrn. Shaik le sehlopha sa gagwe ba akanyeditše le go phethagatša ditharollo tša ka gae tša ditsithate tša go feta tše 40 tše di kgontšhišitšego SARS go tšwelapele ka go fana ka ditirelo tša yona go balefela motšhelo le go fana ka tagafara ya yona ya go koleka metšhelo ka moka yeo e swanetšego. Tšwetšopele ya ditshepetšo tša SARS mo sebakeng se, di kgonagetše ka phethagalo e kgolo ka lebaka la plafomo ya theknolotši yeo e agilwego ke sehlopha sa TSD ka tlase ga ketapele ya Intikhaba. Se se dirile kabelo e kgolo kudu go ekonomi ya naga ka fase ga maemo a šoro a dikiletšo ka nako ya COVID-19. Re tloga re ikwa motlotlo ka kabelo ye gomme re holofela gore temogo ye ya setšhaba e tloga e swanetše.”*

*Kgonagalo ya SARS ya go diriša data ya sense, bohlale bja ekišo le go phethagatša mpshafatšo ya theknolotši e laeditšwe kaone ka phethagatšo ya dikelo tša othomethiki tše di akareditšego ka phethagalo e botse go balefela motšhelo ba go feta 4 million. Se se nyalelana le Maikemišetšo a Leano la go nolofatša obamelogo balefela motšhelo ba go tshephagala mola go thatafaletšwa gape le go lefišwa dikotlo tša godimo go bao ba nyakago go foronyaka mokgwatšhomo wa motšhelo.”*

Phihlelelo yeo e kgethegilego ya sehlopha sa TSD ka fase ga ketapele ya mohlala ya Mrn. Shaik, e sepelelana le Ponelepele ya SARS ya go aga “SARS ya sebjalebjae ya botshephegi bja go se gononelwe, ya potego gape ya go ratega. Se se amantšwe le tshepetšo ya setheo ya go lemoga kabelo ya yona bjale ka phethagalo yeo e sa tlwaelegago ya go direla Afrika Borwa le batho ba yona ka moka.

Seo se dirago gore kamogelo ye e fane ka hlohleletšo, ke gore e beile motheo wa SARS wa go tšweletša mmatlolo wa tiragatšo wa go thewa ka othomethiki, tshedimošo go tšwa go data, ka go mmatlolo wa tshepetšo ya maatlafatšo a theknolotši. Go holofelwa gore mokgwatšhomo wo o tla tšweletšwa go iša pele go fihlela fao kamano magareng ga SARS le balefela motšhela ka moka le bagwebi e tlo diragalago ka mokgwa wa ditsithale, ka othomethiki gape ntle le tšhitišo!

Seo Mrn. Shaik a se fihleletšego ka SARS ge e sale a tsena go setheo mengwaga ya go feta ye 30, se latša ka tlhabošo bokgoni bja gagwe bja go laetša bobjohle bja gagwe le bohlale go mošomo wa gagwe. Se hlalosa mabokgoni ao a kgethegilego a ka fao a laolago sehlopha sa gagwe go dira phethagalo ye botse ya leswao la gagwe le leswao la SARS gape le botumo bja gagwe.

SARS e tloga e ikgogomoša ka dikatlego tša Mrn. Shaik bakeng sa go tšwelapele ka go kaonafatša bohlokwa bja tirišanommogo magareng ga setheo le balefela motšhelo le bagwebi. Temogo yeo a e fihleletšego ka go kgerekgetša legoelela e tišetša gore bašomi

ba intasteri ba amogela maitapišo ao a dirilwego ke SARS, go sa lebelelwe ditšhitišo tša ditšhelete tšeo di lebanwego le setheo. Ditebogo go Mrn. Shaik le sehlopha sa gagwe.

Go hwetša tshedimošo enngwe ikgokaganye le [SarsMedia@sars.gov.za](mailto:SarsMedia@sars.gov.za)